

आकाशवाणी

- प्रधानमंत्री नरेंद्र मोदी होरें आखेआ ऐ जे भारत वैश्विक संकटें बावजूद स्थिरता ते संवेदनशीलता दा प्रतीक ऐ।
- मुख्य अज्ज पुलस स्मृति ध्याड़े दा आयोजन करा करदा ऐ। रक्षा मंत्री राजनाथ सिंह होरें आखेआ जे जेडा क्षेत्र कदें रेड कारीडोर कन्नै जानेआ जंदा हा, ओहू हुन तरक्की दी बत्तै पर चला'रदा ऐ।
- चुनाव आयोग नै बिहार विधानसभा चुनाव दरान ओहूदे थमां पैहले दे मगरा प्रकाशित होने आहले प्रिंट विज्ञापनं आस्तै राजनीतिक दलें गी प्रमाणीकरण प्राप्त करने दा निर्देश दित्ता ऐ।
- ताकाइची सनाए जपान दी पैहली महिला प्रधानमंत्री चुनी गेइयां, प्रधानमंत्री नरेंद्र मोदी होरें आखेआ जे ओहू भारत ते जपान बश्कार सरबंधें गी होर मजबूत करने लेई उंदे कन्नै कम्म करनडन।
- यू.एस सिटिजनशिप एण्ड इमिग्रेशन सर्विसेस नै मजूदा एच-1बी वीजा धारकें आस्तै नमें 1 लख डालर शुल्क छूट दी घोशणा कीती, जेदे नै भारती पेशेवरें ते छात्रें गी बड्डी राहत मिली।
- सेंट्रल रेलवे पूरे भारत च 1998 देआली स्पेशल ट्रेनां चलाग, जेदे च 600 थमां मती ट्रेनां मुम्बई थमां होडन।
- देआली महूर्त ट्रेडिंग सेशन 84,400 थमां पार, निफ्टी 25 अंक चढेआ।

<><><><><><>

PM-Bharat

प्रधानमंत्री नरेंद्र मोदी होरें आखेआ ऐ कि अज्ज जिसलै पूरी दुनिया केई सारी चुनौतिएं ते संकटें दा सामना करै करदी ऐ। इस कठन दौर च बी भारत स्थिरता ते संवेदनशीलता दौनें दी इक मसाल बनियै कायम ऐ। देआली दे मौके पर देशवासिएं दे नांइ इक चिट्ठी च मोदी होरें आखेआ जे भारत तौले गै दुनिया दी त्रीइ सभनें शा बड्डी अर्थ बवस्था बनने दी बत्तै पर तेजिया कन्नै अगड़े बधै करदा ऐ। उनें आखेआ जे विकसित ते आत्मनिर्भर भारत दी यात्रा च सहयोग देना हर इक भारती दी जिम्मेदारी ऐ जिसी ओहू राष्ट्र दे निर्माण च अपने हिस्से दा योगदान देइयै निभाई सकदा ऐ।

<><><><><><>

Police Commemoration Day

a पुलस स्मृति ध्याड़े दा आयोजन कीता जा'रदा ऐ। इस दिन 1959 च लद्दाख दे हाट स्प्रिंग्स च भारी हथियारें कन्नै लैस चीनी सैनिकें स्हाड़े 10 पुलसकर्मियें गी मारी दित्ता हा जेदे बाद हर बरे 21 अक्तूबर गी पुलस स्मरण ध्याड़े दा आयोजन कीता जंदा ऐ। रक्षा मंत्री राजनाथ सिंह होरें आखेआ जे मुख्य आस्तै बाहरी ते अंदरूनी सुरक्षा बड्डी गै महत्वपूर्ण ऐ कीजे मुख्य 2047 तोड़ी विकसित भारत दे लक्ष्य आहली बक्खी अगड़े बधा करदा ऐ। नमीं दिल्ली च पुलस स्मरण ध्याड़े दे इक आयोजन च अपने संबोधन दरान उनें आखेआ जे पुलस ते सुरक्षाबल बक्ख-बक्ख मंचें उप्पर कम्म करदे न, पर उंदा

वीजा आहले लोग बी इस शुल्क थमां मुक्त रौहडना .. दा आखना ऐ जे एह शुल्क एह शुल्क छडा 21 सितंबर दे बाद पेश कीती गेदी नमीं याचिकाएं उप्पर लागू होग ते मौजूदा एच-1बी धारकें दी यात्रा गी प्रभावित नेई करोग।

<><><><><><>

Central Railway Spl

सेंट्रल रेलवे 19 सितंबर थमां लेइयै 30 नवंबर 2025 तोडी बक्ख-बक्ख राज्यें च आरक्षित ते अनारक्षित दवें मलाइयै ट्रिप 1998 ट्रेनां चला'रदा ऐं इन्दे च 600 थमां मती ट्रेनें गी मुम्बई थमां अधिसूचित कीता गेआ ऐ। मुम्बई क्षेत्रें थमां रोज 100 ते 8-10 स्पेशल ट्रेनां चला'रदियां ना। अज्जै दे ध्याडे गी मलाइयै अगले 3 दिनें तगर कुल 77 ट्रेनां चलंगन जिंदे च 24 मुम्बई डिविजन थमां गै शुरू होंगन।

<><><><><><>

EAM-Japan

विदेश मंत्री डॉ. एस जयशंकर होरें मोटेगी तोशीमित्सु होरें गी जपान दे विदेश मंत्री बनने उप्पर शुभकामनां दित्तियां। इक सोशल मीडिया पोस्ट च उनें आखेआ जे ओहू उन्दे कन्नै मिलियै दवै मुलखें बश्कार विशेष रणनीतिक ते वैश्विक सांझेदारी आस्तै कम्म करडन।

<><><><><><>

GST-Reduction

केंद्र सरकार आसेआ हाल च गै जरूरी चीजें-बस्तें पर जी.एस.टी दरें च कीती गेदी कटौती कन्नै जम्मू दे आले-दोआले दे इलाकें दे बसनीकें गी फायदा होआ'रदा ऐ। बपारी बेहतर बिक्री होने दी गल्ल करा करदे न कीजे जे घट्ट टैक्सें कन्नै लागत घट्ट होई गेई ऐ जेदे कन्नै गाहकें आस्तै समेयान दा भाहू मता किफायती होई गेआ ऐ। उपभोक्ता सकारात्मक प्रभावें दा नन्द लै करदे न कीजे रोजमर्रा दी जरूरी चीजां बजट दे अनुकूल होई गेइयां न, जेह्दे कन्नै जीवन दे हर वर्गे दे परोआरें गी राहत थ्होई ऐ। इस फैसले नै मकामी बजारें गी बढ़ावा दित्ता ऐ ते एह्दे कन्नै आर्थिक विकास गी बी रफ्तार थ्होग।

<><><><><><>

PM-MKB

प्रधानमंत्री नरेंद्र मोदी होर औंदी 26 अक्तूबर गी अपने रेडियो कार्यक्रम "मन की बात" राएं देश-विदेश च रौहने आहले श्रोताएं कन्नै अपने विचार सांझे करडन। हर म्हीने दे खीरले ऐतवारें बडलै 11 बजे प्रसारित होने आहले इस कार्यक्रम दी एहू 127मीं किशत होग, जेह्दे च शामिल करने लेई लोक अपने विचार ते सुझाऽ टोल फ्री नंबर 1800-11-7800 पर भेजी सकदे न। एह्दे अलावा लोक अपने विचार नरेंद्र मोदी ऐप जां माई गोव अपने फोरम पर ऑनलाइन बी भेजी सकदे न। एहू सुझाऽ भेजने दी खीरी तरीक 24 अक्तूबर रक्खी गेदी ऐ। हासल सुझाएं ते विचारें चा ताले गेदे सुझाएं गी इस कार्यक्रम च शामिल कीता जाई सकदा ऐ।

<><><><><><>

Spl. Trains Reactions

बडगाम ते बनिहाल बश्कार चलने आहली रेल गड्डी दी सेवा संगलदान तोडी बधाए जाने दा मकामी लोकें जोरदार सुआगत कीता ऐ जेह्डी जे रेल सेवा दी बधदी लोकप्रिया दे चलदे इक महत्वपूर्ण मंग ही ते एहदी मती लोड बी ऐ ही। इस फैसले कन्नै इस रूट पर सफर करने आहले मती राहत मसूस कीती ऐ। अज्जै थमां इक विशेष रेल गड्डी 04687-88 अगले 30एं दिनें तगर संगलदान स्टेशन तोडी जाना शुरू होई गेआ ऐ। आकाशवाणी दे जम्मू संवाददाता नै जानकारी दिती ऐ जे इस कार्रवाई दा मकसद यात्रिणं दे सफर गी मता सखल्ला ते सुविधाजनक बनाना ऐ। कश्मीर रेल नेटवर्क च बड़े मते सुधारें ते बदलावें दी मदद कन्नै मकामी लोकें गी बडी मती राहत ते सुविधा हासल होऐ करदी ऐ।

<><><><><><>

Muhurat-Trading

बाम्बे स्टाक एक्सचेंज ते नेशनल स्टाक एक्सचेंज नै देआली दे मौके पर महूर्त ट्रेडिंग दा आयोजन कीता, जेडा नमें समवत 2087 दी शुरूआत गी दर्शादा ऐ। दौनें सूचकांकें अज्ज दे विशेष ट्रेडिंग सत्र गी मामूली बढ़ौत्तरी कन्नै समाप्त कीता। 63 अंक सेंसेक्स दा आंकड़ा बधियै 84000 दे कौल पुज्जी गेआ ते एनएसई निफ्टी दा आंकड़ा 25 अंक बधियै 25 ज्हार 869 होई गेआ।

<><><><><><>

Nagrota Bypolls

11 नवंबर गी होने आहले नगरोटा विधानसभा चुनांस लेई तैयारियां जोरें-शोरें जारी ना। चुनांस पूरी चाल्ली सुतंत्र, पारदर्शी, साफ-सुथरे ते बवस्था आहले ढंगै सिर करोआने लेई चुनांस प्रशासन आसेआ पूरे हल्के च थाहरें-थाहरें नाके लाए देन ते बक्ख-बक्ख इलाके च सी.सी.टी.वी कैमरे राएं नेडमी तक्क रक्खी जा करदी ऐ। इस चुनांस लेई दाखल नामांकन पत्रें दी जांच-पड़ताल कल कीती जाह्ग जिसलै कि कोई बी मेदवार जेकर चाहन तां 24 अक्तूबर तगर अपने ना वापस लेई सकदे ना। मतदान 11 नवंबर गी होग जिसलै जे वोटें दी गिनतरी 14 नवंबर गी होग। पूरी चुनांस प्रक्रिया दरान रमानदारी ते बवस्था बनाई रखने लेई सुरक्षा दे बी निग्गर बंदोबस्त कीते गेदे ना।

<><><><><><>

Punjab-Terror Operaion

पंजाब पुलस नै अमृतसर च 2 अपराधिणं गी इक राकेट प्रोपेल्लर ग्रनेड कन्नै गिरफ्तार कीता ऐ जेडे दस्सेआ जा'रदा ऐ जे अपराधिणं दे समर्थक ना। पुलस सूत्रें मुजब शुरूआती पुच्छ-गिच्छ थमां लग्गा ऐ जे मेहकदीप सिंह ते आदित्य ना दे एहू दवें जनें पाकिस्तान दी खुफिया एजेंसी आई.एस.आई दे संपर्क च ऐ हे जिन्नै इन्दे लेई एहू थेआर भेजेआ हा। पुलस सूत्रें दा आखना ऐ जे इस आरपीजी दी मदद कन्नै पंजाब च कुसै खास गी नशाना बनाने दी साजिश ही।

<><><><><><>

Maharaja-Gulab Singh B'day

महाराजा गुलाब सिंह हुं'दी 233मीं जयंती दे मौके पर पूरे जम्मू खित्ते च कई कार्यक्रमें दा आयोजन करियै डोगरा राजवंश दे संस्थापक ते जम्मू-कश्मीर दे पैहले महाराज होरें'गी चेता कीता गेआ।

महाराज रणजीत सिंह हुं'दी अगुवाई च कमांडर दे औहदे थमां उभरियै 1822 च जम्मू दे राजा बनने दे परैत उनें 1846 च अमृतसर दी संधि करियै अपनी विरासत गी मजबूत कीता ते जम्मू-कश्मीर रियासत दी स्थापना कीती। उनेंगी अपने सैन्य कौशल, सांस्कृतिक संरक्षण ते कल्याण केंद्रित सुधारें आस्तै जानेआ जंदा ऐ। एक्स पर इक्क पोस्ट च उपराज्यपाल मनोज सिन्हा होरें महाराजा गुलाब सिंह होरें'गी उंदी जयंती पर दिली श्रद्धांजलि अर्पित कीती ऐ। तोआई, युवा राजपूत सभा जम्मू नै बी इस मौके पर महाराजा गुलाब सिंह होरें'गी चेत्ता कीता ते उंदी जयंती गी जोश ते जज्वे कन्नै मनाया।

<><><><><><>

J&K Dengue

जम्मू-कश्मीर च इस ब'रे डेंगू दे मामलें च बाद्दा होआ ऐ ते अजे तगर इस लागै आहली बमारी दे तकरीबन 2 ज्हार 200 मामले सामने आए न। आकाशवाणी जम्मू संवाददाता मुजब सरकारी आंकड़ें मताबक अजें तगर पूरे केंद्र शासित प्रदेश च डेंगू दे 2 ज्हार 168 मामलें दी तसदीक होई ऐ जिंदे च जम्मू जिले च सभनें शा मते 960 मामले सामने आए न, एहदे मगरा कठुआ, उधमपुर ते साम्बा दा नंबर ऐ। सेहत माहिरें लोकें गी गुजारिश कीती ऐ जे ओहू एहतियाती उपाऽ करन, खास करियै बडलै ते दपैह्री मगरा जिसलै मच्छर मते सक्रिय होंदे न। डेंगू गी फैलने थमां रोकने लेई लोकें गी सलाह दिती जंदी ऐ जे ओहू खडोते दे पानी गी हटाई देन ते साफ-सफाई बनाई रक्खन।

<><><><><><>